

橫溪漫錄

橫溪漫錄卷一

古吳

徐鳴時

學問之途約其大旨四部盡之曰經曰史曰子曰集四者其綱也曰道曰事曰物曰文四者其撰也道多麗經事多麗史物多麗子文多麗集經難于精史難于覈子難于洽集難于該大都上資天授下極人功纖毫弗備尚屬望洋咫尺未躋猶為止簣此其難也經之流別爰有小學史之流別爰有諸志子之流別爰有衆說集之流別爰有類書昔人專一往々終身間遇兼長

要非世用若貫穿玄宗融鏡內典求之方外時有其人文士儒  
流涉獵而已

六經之學廣大闕深歷世名儒第專其一施孟梁京諸人博于  
易者也伏夏周劉諸人博于書者也齊魯毛韓諸人博于詩者  
也戴曹賀賈諸人博于禮者也公穀鄒夾諸人博于春秋者也  
劉鄔張曹諸人博于爾雅者也若馬融鄭玄賈逵王肅劉炫崔  
浩穎達德明數子諸經並釋六籍兼談義或未精博斯稱極宋  
儒精于析理博非所先新安後出兼綜二家既精且博矣

諸史之文汪洋浩瀚材積取詣咸自名家左氏馬遷班固范曄  
諸人博于正史者也劉向崔鴻高峻樂史諸人博于雜史者也  
譙周蘇轍劉恕羅泌博于古史者也蔣乂蘇冕王珪李燾博於  
今史者也治史則杜元凱之于春秋張守節之于史記顏師古  
之于漢書裴松之之于三國子玄之通鑑局實之鑑伯恭之節元  
晦之綱綜兼諸史並以博稱他如兩司馬彪貞劉氏父子顯  
孫弟兄敬放歷世有人未易枚舉

子則荀况楊雄儒之博者也宋翟田休諸人墨之博者也管仲

韓非諸人法之博者也公孫魏牟諸人名之博者也鄒衍惠施  
諸人辨之博者也呂常劉安諸人雜之博者也孫武尉繚諸人  
兵之博者也范勝賈勰諸人農之博者也張衡郭璞諸人術之  
博者也京房管輅諸人數之博者也漆園之評道術太史之論  
六家班氏之列九流任宏之錄四種稚川之纂仲容之鈔克構  
之林子原之辨皆博于子者與

集史則屈宋唐景諸人騷之博者也揚馬班張諸人賦之博者也  
曹陸杜韓諸人詩之博者也任沈王駱諸人文之博者也彼皆

目下十行。胸羅萬卷。旁搜廣擷。集厥大成。名世之稱。良非襲取。  
若劉勰之文心。兼該體要。鍾嶸之詩品。歷溯淵源。蕭統之銓擇。  
鐫鑑古今。李善之註釋。詳脩顛末。以至虞世南之采輯。詞章許。  
敬宗之蒐羅。藝館李明遠之英華。郭茂倩之樂府。大溢千卷。  
小逾百軸。其皆博于集者與。

經之纖頤而難明者。莫大于小學。小學之中。如子雲叔重陽冰。  
楚金博于文。景純介甫農師元澤。博于義。楚王德明休文才老。  
博于音。懷瓘永叔景伯明誠。博于迹。元章長睿世昌順伯。博于

考嗣真虔禮彥遠九成博于評摠之楊許顧陸覈字之源者也  
張李米黃研字之用者也楊許不明八法張李靡達六書米黃  
罔會七音顧陸罕窺四體至微奇辨怪若稽康束皙又自名家  
即小學門運十數古今博洽蔑能相兼其可易哉

史之繁重而難悉者莫大于諸志諸志之中如張衡崔浩劉炫  
祖暅博于星曆鄭璞陸澄賈耽李昉博于方輿王弘僧孺李守  
林寶博于氏族張說蔣乂楊侃李勣博于職官蔡邕徐堅荀勗  
陳暘博于禮樂杜預牛弘高顯實儀博于刑法桓寬劉晏田況

洪道博于錢賦劉向王儉任昉柳詵博于藝文又有鄭樵五略  
第述前朝張說六官特詳近典君卿貴與庶幾兼得之

子之浮夸而難寃者莫大于衆說衆說之中如齊諧夷堅博于  
怪虞初罔語博于妖令昇元亮博于神之推成式博于鬼曼倩  
茂先博于物湘東魯望博于名義慶孝標博于言夢得務觀博  
于事李昉曾慥禹錫宗儀之屬皆博于衆說者也摠之勝談隱  
迹巨細兼談廣見洽聞驚心奪目而淫俳間出詭誕錯陳張劉  
諸子世推博極此僅一班至郭憲王嘉全摛虛詞亡徵實學斯

班氏所以致譏乎子玄因之絕倒也

集之靡冗而難周者莫大于類書類書之中如劉峻之類苑徐  
勉之華林博于名物楊億之元龜李昉之御覽博于典故樂天  
之六帖景盧之法語博于經史敬宗之玉彩李嶠之珠英博于  
詞章搃之玉彩珠英六帖法語之屬博于文御覽元龜類苑華  
林之屬博于事歐虞祝謝兼載事文杜鄭馬王獨詳經制大抵  
書以類稱體多沿襲創造之力劉徐實難考究之功馬鄭為大  
至纖微曲盡毫末咸諉即陸澄王搢並操觚翰未必亡憾也

三代下儒術之顯有出荀況仲舒王通韓愈乎然荀述禮樂董  
寃天人王擬六經韓起八代其學皆極博也文章之顯有出左  
氏屈原司馬杜甫乎然左窮九丘屈羅萬彙馬探千古杜摠百  
家其學皆極博也至于宋文盛于辭儒一于道矣

唐制以明經為孝廉賦詞為進士凡仕宦清華率進士得之孝  
廉冗散而已是以詩歌極盛而經學式微間有兼通蓋不數見  
唐初孔穎達徐文遠等各為儒宗自是隋世之遺耳繼起若三  
秦二蓋彬々足數中高嗣運尚聞祝郭後頗寥々

隋劉炫遍直三省竟不得官自陳于內史吏部尚書常世康問  
其所能炫自為狀曰周禮禮記毛詩尚書公羊左傳孝經論語  
孔鄭王何伏杜等注凡十三家雖義精粗並堪講授周禮儀禮  
穀梁用功差少史子文集嘉言故事咸誦于心天文律數窮數  
微妙至于公私文翰未嘗假手吏部竟不詳試在朝知名之士  
保炫所陳不謬于是除殿中將軍余讀史至此未嘗不嗟異其  
能也三代以下窮經之士兼談融貫有若是乎且泛濫群籍綜  
覈穴流撰造典墳修明法律自古經籍子史學問文章蔑能合

一炷悉有之信異人也。考炷史學絕少發明。要以經術勝。然豈易得哉。同時劉綽亦博通五經算術九章周髀七曜推步星辰量度山海靡所不精。二人同生周時。同應隋召。同室讀書。閉戶十年。同得罪。宇宙奇事也。綽先卒。炷以餒終。惜哉。

魏興和二年。聘崔敏。字長謙。清河武城人。博學。贈文當朝第一。與太原王延業齊名。加以天文曆律醫方藥品卜論。既至。帝選碩學沙門并百僚與談。多屈于敏。僧瞿願敵之。與敏談論至若三光四氣五行十二支十干八宿風雲氣候金丹玉液藥性針

道六性五蘊陰陽曆數韜略機權飛伏孤虛鬼神情狀始自經  
史終于老釋凡十餘日辯揚六藝百氏與敏互為主客立談絕  
倒觀者莫不忘歸然敏詞氣沮于臂不自得未幾而卒按敏之  
學業總兼三教咸極其精古今所未有南北史儒林傳悉不錄  
敏因記此

陸澄著書力殫于經年文為學困也任昉屬辭才盡于晚歲詩  
為學困也東晉劉晝作賦並見訛藝士是又稟賦所拘非必學

問之累

王儉何憲齊之博者也每屈于陸澄沈約任昉梁之博者也恒  
咨于劉杳此專門之說也至茂先得竹簡以問廣微世南談姓  
譜而畏李守乃一曲之偏至執此以言張不如束李可並虞豈  
篤論哉

子產臺駘中壘二負竇攸鼯鼠教叔鼓戾元遜侯蒙賈逵神雀  
張華海鳥沈括天祿雖覩記殊常而簡籍具在按圖即事往往  
足徵多由人不能讀不能詳耳至東方命酒怪哉滅諸葛伐薪  
元緒烹未必盡聞要當得諸觸類

曹冲刻舟以稱巨象。懸鏡以舞山雞。此皆性識所鍾。靡關學習。可名夙慧。不屬多聞。

茂先燔枯木。班超現形元。遜伐老桑。巨龜潰體。二事絕類。四妖語。同必非皆實。

楊脩黃絹李彪金鐘。雖捷冠一時。而義非玄妙。至賈誼之辯墟墓。東皙之誦古文。則又無假思維。但憑考質而已。惟鄭欽悅。推繹銘記。淵思睿惻。一至是乎。任昉沈約。諸人世稱博洽。不解何語。而鄭以頃刻徵之。真古今絕識。

天宮中商洛隱者任昇之貽右補闕鄭欽悅書曰某之五代祖  
仕梁為太常初任南陽王帳下于鍾山懸岸圯墮之中得古銘  
不言姓氏小篆文云龜言土著言水旬服黃鍾啓靈趾瘞在三  
上庚墮遇七中已六千三百浹辰交二九重三四百圯無能知  
者願採其旨著之遺簡以成先志深所望焉欽悅復書曰謹稽  
諸曆術測以微詞試一探言庶會微旨當梁武帝大同四年歲  
次戊午言旬服者五百也黃鍾者十一也五百一十一年而圯  
從大同四年上求五百十一年得漢光武建武四年戊子歲也

三上庚三月上旬之庚也其年三月辛巳朔十日得庚寅是三月  
初葬于鍾山也七月中巳乃七月戊午朔十二日得巳巳是初  
圯墜之日是日巳巳可知矣決辰十二也從建武四年三月至  
大同四年七月總六千三百一十二月每月一交故云六千三  
百決辰交也二九為十八重三為六末言四百則六為千十八  
為萬可知從建武四年三月十日庚寅初葬至大同四年七月  
十二日巳巳初圯計一十八萬六千四百日故云二九重三四  
百也其所言者但說年月日數耳原卜者之意如此李吉甫